

Allaffimmi suleqatissarsiorpugut – Aqutsinikkut allattoqarfik

Naalakkersuisut Siulittaasuata Naalakkersuisoqarfia allaffimmi fuldmægtigimik pissarsiorpoq. Akisussaassuseqartumik aammalu sullarissumik sulisussarsiorpoq. Suliassat erseqqissumik sinaakkutillit iluanni pitsaasumik ingerlatsisinnaasumik, suliassani paasisutissaararpassuarnut tappissumik aammalu suleqatigiuminartumik sulisussarsiorpoq.

Naalakkersuisoqarfik pillugu

Naalakkersuisut tassaapput Kalaallit Nunaanni Namminersornerullutik oqartussat aqutsisuisa qullersaat. Pisortaqaarfik aqutsisoqarfinnut allanut atasunik immikkoortunut assigiinngitsunut akisussaaqataavoq. Naalakkersuisut Siulittaasuata Naalakkersuisoqarfia immikkoortunut ukununga aggulussimavoq: Aqutsinikkut Allattoqarfik, Naalakkersuinerimik ingerlatsineq pillugu allaffik, Inatsisilerinermut allaffik, Tunngaviumik Inatsiseqalernissamut immikkoortortaqaarfik kiisalu Sulisoqarnermut Ineriartortitsineq. Atorfik aaqqissuussaannikkut Aqutsinikkut Allattoqarfimmi inissisimavoq.

Suliassat

Allaffimmi fuldmægtigitut allattoqarfiup ullormut ingerlatsinerani pingaarutilimmik inissisimalissaatit. Suliassat pingaarnerit makkuussapput:

Naalakkersuisut sullinnerat, tassunga ilanngullugu ataatsimiinnerni oqaluuserisassat aammalu ataatsimiinnerni imaqarniliorerit
Aningaasaqarnermut aqutsineq aammalu allaffissornikkut suliassat
Angalanernut inniminniinerit aammalu aaqqissuussinerit
Suliassanik aalajangersimasunik suliarinninneq
Pisortatigoortumik tikeraartoqarnermi allanilu ikiuunneq

Naatsorsuutigisagut

Allaffissornikkut ilinniagaqarsimaneq
Suliassanik assingusunik misilittagaqarneq
Aningaasaqarnermut aqutsinerimut ilisimasaqarneq
Suliassanik amerlasuunik piffissallu ulapaarfiusinnaasut iluanni pitsaasumik ingerlatsisinnaaneq
Eqaatsumik aammalu alanngorartunik suliaqarsinnaaneq
Kalaallisut danskisullu piginnaasaqarneq

Neqeroorutigaaqut

Suliat pissanganartut ineriartorfiusullu
Inuttut suliatigullu ineriartortitsinissamut periarfissat pitsaasut
Suliassat soqatuginartut assigiinngiiaartullu
Suleqatit pimoorussisut ammasullu

Paasisutissat sukumiinerusut

Atorfik pillugu paasisaqarnerorusukkuit attavigisinnaavat: Elisabeth L. Jensen,

oqarasuaat 34 67 92 imaluunniit e-mail: Ele(a)nanoq.gl

Aningaasarsiatigut atorfinitsitaanermilu atugassarititaasut

Akissarsiat atorfininnermilu atugassarititaasut, tassunga ilanngullugit atorfinitsitaanermi

soraanermilu angalanissamut akiliunneqarnissamut pisattallu nassiunneqarnerannut

Kalaallit Nunaanni Namminersorlutik Oqartussat kattuffiullu

isumaqatiginniarsinnaatitaasup attuumassuteqarfigisap akornanni isumaqatigiissutaasut

atorfininnerup nalaani atuuttut naapertorlugit ingerlanneqassapput.

Qinnuteqartoq uppersaataitalinnik piginnaasalik immikkut siunnersortitut, siunnersortit

pisortaatut siunnersortaanertulluunniit isumaqatigiissutit naapertorlugit

atorfinitsinneqarsinnaasarpoq.

Najugaq

Atorfimmut atatillugu sulisunut inissiamik innersuussisoqarsinnaanngilaq. Qinnuteqartoq

Namminersorlutik Oqartussani atorfeqarnermini sulisutut ineqartinneqareersimaguni

sulisutut ineqarsinnaatitaanini tigummiinnarsinnaavaa. Atorfimmut atatillugu ini

atorfeqarnermut tunngavoq, taamaalilluni atorfeqarnerup unitsinnerani

qimanneqassalluni.

Qinnuteqaatit, CV, ilinniarsimasanut pikkorissaatigisimasanullu uppersaatatit kiisalu

paasissutissat allat pisariaqarsinnaasut "qinnuteqaat nassiuguk" toorlugu nassiutikkitt.

E-mail-ikkut qinnuteqaatinik tigusineq ajorpugut.